

G A D E N I sive L A D E N I .

Gadeni.

Joannes
Skene De
verborum
significatio-
ne.

Tradinis sive Northumbria vicini erant GADENOI, qui LADENI etiam una inversa literula in nonnullis Ptolemæi exemplaribus dicti, in illa regione qua Twedæ fluminis ostium & Edenburgi Fortham interjacet, hodieque in multas divisa regiunculas, quarum præcipue sunt, Teifidale, Twedale, Merch, & Lothien Latine Lodencium, quo uno nomine omnes apud mediæ seculi scriptores erant comprehensa.

T E V I O T I A ,

vulgo

T E I F I D A L E .



Teifidale, id est, Vallis ad Tefum sive Terviotum fl. inter abruptas collum & cautium crepidines, Angliæ proxima, à bellicosa gente habitatur, quæ ob creberrima bella superioribus seculis inter Scotos & Anglos, in militiam & repentinas incursiones expeditissima.

Mailrose.

Inter hos primum occurrit Jedburgh, Burgus non infrequens, prope Teifi & JEDI confluentes, unde nomen factum: & Mailros monasterium admodum vetustum, in quo surgente apud nos Ecclesia monachi erant veteris illius instituti, qui precibus vacarunt, & manuum labore victum quaesiverunt.

Roxburg.

Magis ad Ortum, ubi Tweda & Teifus aquas confundunt, Rosburg quod & Rox-

burg, olim etiam MARCHIDVN, quia erat limitaneum, ubi castrum & sua positione & turritis arcibus olim firmissimum. quod ab Anglis occupatum, dum Iacobus II Rex Scotorum obsidione incinxit, fragmine majoris bombardæ fortuito disruptæ in juventutis flore suis desideratissimus immaturè periit: Castrum autem deditum, & maxima parte solo adæquatum, jam quodammodo disparuit. Territorium autem adjacens, hinc Præfectura de Roxburg dicta, suum habet hæreditarium Præfectum sive Vicecomitem è familia Douglassia, qui vulgò The Shrif of Terviotdale appellatur. Nunc verò & suum Baronem Robertum Ker, gratia regis Iacobi Sexti, habet Roxburgh, ex familia Kerrorum hoc in tractu inprimis celebri & numerosa, è qua Fernberstii & alii bellicis studiis innutriti plurimum inclaruerunt.

*Shrifdom
of Roxburg.
Vicecomites
hæredita-
rii Ker.*



Scotia.

M